



საქართველოს მთავრობის განკარგულება

№598 2016 წლის 8 აპრილი ქ. თბილისი

შპს „ჰიდრო დეველოპმენტ კომპანისათვის“

საქართველოს „წითელი ნუსხით“ დაცული მცენარეების ბუნებრივი
გარემოდან ამოღების თაობაზე თანხმობის მიცემის შესახებ

„საქართველოს „წითელი ნუსხისა“ და „წითელი წიგნის“ შესახებ“ საქართველოს კანონის 24-ე მუხლის პირველი პუნქტის „ვ“ ქვეპუნქტისა და ამავე მუხლის 2³ პუნქტის შესაბამისად:

1. ჰიდროელექტროსადგურ „მაგანა და ლექარდეს“ მშენებლობის საჭიროებისთვის დროებითი გზებისა და საბურღი მოედნების მოწყობის მიზნით, შპს „ჰიდრო დეველოპმენტ კომპანის“ (ს/კ: 400023728) მიეცეს უფლება, კანონმდებლობით დადგენილი წესით, ბუნებრივი გარემოდან ამოიღოს საქართველოს გარემოსა და ბუნებრივი რესურსების დაცვის სამინისტროს საჯარო სამართლის იურიდიული პირის - ეროვნული სატყეო სააგენტოს (შემდგომში - სააგენტო) მართვას დაქვემდებარებულ წალენჯიხის სატყეო უბნის ჯვარის სატყეოში არსებულ 10 126 კვ.მ მიწის ფართობზე მდებარე, საქართველოს „წითელ ნუსხაში“ შეტანილი მცენარის, ჩვეულებრივი წაბლის (*Castanea sativa* Mill.) 30 (ოცდაათი) ინდივიდი.

2. შპს „ჰიდრო დეველოპმენტ კომპანი“ ვალდებულია, ბუნებრივი გარემოდან ამოღებული მერქნული რესურსი დაასაწყობოს სააგენტოს მიერ მითითებულ ტერიტორიაზე და გადასცეს მას მიღება-ჩაბარების აქტით.

3. ამ განკარგულების მე 2 პუნქტით გათვალისწინებული, საქართველოს „წითელ ნუსხაში“ შეტანილი მცენარეების ბუნებრივი გარემოდან ამოღებაზე კონტროლი განახორციელოს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულებამ - გარემოსდაცვითი ზედამხედველობის დეპარტამენტმა.

პრემიერ-მინისტრი



გიორგი კვიციანი